

高帝紀第一下

漢書一

漢 護 軍 班 固 撰

唐議奏行秘書監裴縣國子顏 師古 集註

五年冬十月漢王追項羽至陽夏南師古曰夏音工

雅反已止軍與齊王信魏相國越期會擊楚

至固陵晉灼曰即固始也師古曰後改為固始耳地理志固始屬淮陽。劉放曰予謂楚字句當

斷至固陵不會楚擊漢軍大破之漢王復入

壁深塹而守謂張良曰諸侯不從奈何良

藏書

對曰楚兵且破未有分地

李奇曰信越等未有益地之分師古曰分

音扶問反

其不至固宜

師古曰理宜然也

君王能與共天

下可立致也

師古曰共有天下之地割而封之

齊王信之立非

君王意信亦不自堅

師古曰因信自請為假王乃立之耳故曰非君王意

彭越本定梁地始君王以魏豹故拜越為

相國今豹死越亦望王而君王不早定今

能取睢陽以北至穀城皆以王彭越

師古曰睢音雖

從陳以東傳海與齊王信

師古曰傳讀曰附

信家在

高帝

楚其意欲復得故邑能出捐此地以許兩

人

師古曰捐棄人也音弋全反使各自為戰則楚易敗也於

是漢王發使使韓信彭越至皆引兵來十

一月劉賈入楚地圍壽春漢亦遣人誘楚

大司馬周殷殺畔楚以舒屠六

如淳曰以舒之衆屠破六

縣師古曰六者縣名即上所謂九江王都六者也後屬廬江郡

舉九江兵迎黥布

並行屠城父

如淳曰並行並擊也師古曰城父縣名父音甫

隨劉賈皆會

十二月圍羽垓下

應劭曰垓音該李奇曰沛沓縣聚邑名也師古曰沓音衡交反

羽夜聞漢軍四面皆楚歌

應劭曰楚歌者雞鳴歌也漢已略得其地

故楚歌者多雞鳴時歌也師古曰楚歌者為楚人之歌猶言吳歆越吟耳若以雞鳴為歌曲之名於理則不可得云雞鳴時也高祖令戚夫人楚舞自為作楚歌豈有雞鳴時乎知盡得楚地羽

與數百騎走是以兵大敗灌嬰追斬羽東

城

晉灼曰九江縣

楚地悉定獨魯不下漢王引天下

兵欲屠之為其守節禮義之國乃持羽頭

示其父兄魯乃降初懷王封羽為魯公及

死魯又為之堅守故以魯公葬羽於穀城

高帝

師古曰即濟北穀城

漢王為發喪哭臨而去

師古曰臨音力禁反

封

項伯等四人為列侯賜姓劉氏

師古曰皆羽之族先有功

於漢者

諸民略在楚者皆歸之漢王還至定

陶馳入齊王信辭奪其軍初項羽所立臨

江王共敖前死子尉嗣立為王不降遣盧

縮劉賈擊虜尉春正月追尊兄伯號曰武

哀侯

應劭曰兄伯早亡追謚之

下令曰楚地已定義帝亡

後欲存恤楚眾以定其主齊王信習楚風

大九

卷之六

漢紀六

三

易

俗更立為楚王師古曰更改也王淮北都下邳魏相

國建城侯彭越勤勞魏民卑下士卒師古曰言安輯

魏地保其八衆也下音胡稼反常以少擊衆數破楚軍其以

魏故地王之號曰梁王都定陶又曰兵不

得休八年萬民與苦甚如淳曰與音相干與之與師古曰音弋庶反。

劉放曰與讀曰歟助辭今天下事畢其赦天下殊死以

下如淳曰死罪之明白也左傳曰斬其木而弗殊韋昭曰殊死斬刑也師古曰殊絕也異也言其身首離絕而異處也。劉放曰予按說文漢蠻夷長有罪當殊之然則殊自死刑之名也於是諸侯

高帝

上疏曰楚王韓信韓王信淮南王英布梁

王彭越故衡山王吳芮張晏曰漢元年項羽立芮為衡山王後又奪之

地謂之番君是以曰故趙王張敖燕王臧荼昧死再拜

言張晏曰秦以為人臣上書當言昧犯死罪而言漢遂遵之大王陛下應劭曰陛下者升堂之

陛下者必有執兵陳於階陛之側羣臣與至尊言不敢指斥故呼在陛下者而告之因卑以達尊之意也若今稱殿下閣下侍者執事皆此類也先時秦為亡道天下誅之

大王先得秦王定關中於天下功最多存

亡定危救敗繼絕以安萬民功盛德厚又

亡定危救敗繼絕以安萬民功盛德厚又

大... 卷... 陽...

加惠於諸侯王有功者使得立社稷地分已定而位號比擬亡上下之分師古曰言大王與臣等並

稱王是為比類相擬無尊卑之差別也地分音扶問反大王功德之著於後

世不宣師古曰言位號不殊則功德之著明者不宣於後世也昧死再拜上

皇帝尊號漢王曰寡人聞帝者賢者有也

師古曰言賢德之人乃可有帝號虛言亡實之名非所取也今

諸侯王皆推高寡人將何以處之哉諸侯

王皆曰大王起於細微滅亂秦威動海內

高帝

又以辟陋之地師古曰辟讀曰僻自漢中行威德誅

不義立有功平定海內功臣皆受地食邑

非私之也大王德施四海諸侯王不足以

道之居帝位甚實宜願大王以幸天下晉灼

曰漢儀註民臣被其德以為僥倖也師古曰倖者吉而免凶可慶幸也故福喜之事皆稱為幸而死謂之不幸

漢王曰諸侯王幸以為便於天下之民則

可矣於是諸侯王及太尉長安侯臣綰等

三百人師古曰綰盧綰也與博士稷嗣君叔孫通孟康

大曰七十八

小引册三  
曰稷嗣  
邑名  
謹擇良日二月甲午上尊號漢王即

皇帝位于汜水之陽張晏曰在濟陰界取其汜

據叔孫通傳曰為皇帝於定陶則此水在濟陰是也音敷劔反尊王后曰皇后太

子曰皇太子追尊先媪曰昭靈夫人劉氏校本云

按水經云沛公起兵野戰喪皇妣于黃鄉天下平定乃使使者以梓宮招魂幽野於是丹蛇白水濯洗入于梓

宮其浴處有遺髮焉故謚曰昭靈夫人詔曰如淳曰詔告也自秦漢故衡

山王吳芮與子二人兄子一人從百粵之

兵服虔曰非一種以佐諸侯誅暴秦有大功

高帝

諸侯立以為王項羽侵奪之地謂之番君

師古曰番音蒲河反其以長沙豫章象郡桂林南海立

番君芮芮為長沙王臣瓚曰茂陵書象郡治臨塵去長安萬七千五百里文穎曰桂

林今鬱林也師古曰桂林今之桂州境界左右皆是其地非鬱林也。劉攽曰長沙封國本無豫章豫章屬淮南檢後十二年註文穎所說又曰故粵王亡諸

疑此豫章字傳寫誤加之

世奉粵祀秦侵奪其地使其社稷不得血

食師古曰祭者尚血腥故曰血食也諸侯伐秦亡諸身帥閩中

兵以佐滅秦如淳曰閩音緝應劭曰音文飾之文師古曰閩越今泉州建安是其地也

大曰六六

其人本蛇種故其字從虫如音是也虫音許尾反項羽廢而弗立今以

為閩粵王王閩中地勿使失職帝乃西都

洛陽夏五月兵皆罷歸家詔曰諸侯子在

關中者復之十二歲師古曰復音芳日反。宋祁曰諸侯子謂諸侯國人若楚

子之類其歸者半之師古曰各已還其本土者復六歲也民前或相

聚保山澤不書名數師古曰保守也安也守而安之以避難也名數謂戶籍也

今天下已定令各歸其縣復故爵田宅師古曰

曰復還也音扶日反吏以文法教訓辨告勿答辱師古曰辨告者

高帝

分別義理以曉喻之。宋祁曰南本辨告作辭告非是民以飢餓自賣為人

奴婢者皆免為庶人軍吏卒會赦其亡罪

而亡爵及不滿大夫者皆賜爵為大夫如

曰軍吏卒會赦得免罪及本無罪而無爵級者皆賜爵為大夫師古曰大夫第五爵也。劉放曰子謂有罪者

會赦免罪而已不得賜爵也亡罪乃得為大夫耳故大夫以上賜爵各

一級師古曰就加之也級等也其七大夫以上皆令食邑

臣贊曰秦制列侯乃得食邑今七大夫以上皆食邑所以寵之也師古曰七大夫公大夫也爵第七故謂之七

大夫非七大夫已下皆復其身及戶勿事應

曰不輸戶賦也如淳曰事謂役使也師古曰復其身及一戶之內皆不徭賦也音扶目反又曰七

大夫公乘以上皆高爵也師古曰公乘第八爵諸侯子

及從軍歸者劉放曰諸侯子摠謂諸侯國人及字後人妄加之甚多高

爵吾數詔吏先與田宅及所當求於吏者

亟與師古曰亟急也音居力反爵或人君上所尊禮師古曰爵高有

國邑者則自君其人故云或人君也上謂天子久立吏前曾不為決師古曰

曰有辨訟及陳請者不早為決斷甚亡謂也師古曰亡謂者失於事宜不可以訓異

日秦民爵公大夫以上令丞與元禮應劭曰言從公

高帝

大夫以上民與令丞元禮元禮者長揖不拜師古曰異日猶言往日也元者當也言高下相當無所卑屈不獨

謂揖拜也今吾於爵非輕也吏獨安取此師古曰於何得

此輕爵之法也且法以有功勞行田宅蘇林曰行音行酒之行猶付與也

今小吏未嘗從軍者多滿如淳曰多自滿足也而有功

者顧不得師古曰顧反也言若人反顧然背公立私守尉長吏

教訓甚不善師古曰守郡守也尉郡尉也長吏謂縣之令長其令諸吏

善遇高爵稱吾意師古曰稱副也且廉問有不如吾

詔者以重論之師古曰廉察也廉字本作覲其音同耳帝置酒雜



陽南宮上曰

如淳曰蔡邕云上者尊位所在也但言上不敢言尊號耳

通侯諸

將

應劭曰舊曰徹侯避武帝諱曰通侯通亦徹也通者言其功德通於王室也張晏曰後改爲列侯列者見

序列

毋敢隱朕

如淳曰朕我也蔡邕曰古者上下共之各繇與帝舜言稱朕屈原曰

朕皇考至秦獨以爲尊稱漢遂因之而不改也

皆言其情吾所以有天

下者何項氏之所以失天下者何高起王

陵對曰

張晏曰詔使高官者起故陵先對孟康曰姓高名起臣瓚曰漢帝年紀高帝時有信平侯

臣陵都武侯臣起魏相邴吉奏高帝時奏事有將軍臣陵臣起師古曰張說非也若言高官者起則丞相蕭何

太尉盧縮及張良陳平之屬陛下嫚而侮人

師古曰嫚易也

高帝

讀與慢同

項羽仁而敬人然陛下使人攻城略

地所降下者因以與之與天下同利也項

羽妬賢嫉能有功者害之賢者疑之戰勝

而不與人功得地而不與人利此其所以

失天下也上曰公知其一未知其二夫運

籌帷幄之中決勝千里之外吾不如子房

填國家撫百姓給餉餽不絕糧道吾不如

蕭何

師古曰填與鎮同鎮安也餽亦饋字

連百萬之衆戰必勝攻

必取○宋祁曰南本作戰必取勝攻必取捷吾不如韓信三者皆

人傑吾能用之師古曰傑言傑然獨出也此吾所以取天

下者也項羽有一范增而不能此所以

為我禽也羣臣說服師古曰說讀曰悅○宋祁曰此所以此字下疑有其字

初田橫歸彭越項羽已滅橫懼誅與賓客

亡入海上恐其久為亂遣使者赦橫曰橫

來大者王小者侯師古曰大者謂其長率即不橫身也小者謂其從屬也

來且發兵加誅橫懼乘傳詣雒陽如傳曰律四馬高足

高帝

為置傳四馬中足為馳傳四馬下足為乘傳一馬二馬為輅傳急者乘一乘傳師古曰傳者若今之驛古者以

車謂之傳車其後又單置馬謂之驛騎傳音張戀反未至三十里自殺上

壯其節為流涕發卒二千人以王禮葬焉

成卒婁敬求見說上曰陛下取天下與周

異而都雒陽不便不如入關據秦之固上

以問張良良因勸上是日車駕西都長安

師古曰凡言車駕者謂天子乘車而行不敢指斥也是日即其日也著是日者言從善之速也長安本秦之鄉名高祖作都焉拜婁敬為奉春君張晏曰春歲之始也今婁敬發事之始故號曰

奉春君也賜姓劉氏六月壬辰大赦天下秋七月

燕王臧荼反上自將征之九月虜荼詔

諸侯王視有功者立以為燕王荆王臣信

等十人如淳曰荆亦楚也賈逵曰秦莊襄王名楚故改諱荆遂行於世晉灼曰詩曰奮伐荆楚自秦之先故以稱荆也師古曰晉說是也左傳又云荆尸而舉亦已久矣皆曰太尉長

安侯盧縮功最多請立以為燕王使丞相

噲將兵平代地宋祁曰噲是時未為丞相百官表噲才嘗為相利幾

反上自擊破之利幾者項羽將羽敗利幾

為陳令降上侯之潁川上至雒陽舉通侯籍

高帝

召之蘇林曰都以侯籍召之而利幾恐反師古曰晉召通侯而利幾自以項羽將故恐懼

而反後九月徙諸侯子關中治長樂宮

六年冬十月令天下縣邑城張晏曰皇后公主所食曰邑令各自築其城也師古曰縣之與邑皆令築城人告楚王信謀反上問左

右左右爭欲擊之用陳平計乃偽游雲夢

韋昭曰在南郡之華容也師古曰夢讀如本字又音莫風反十二月會諸侯于

陳楚王信迎謁因執之詔曰天下既安豪

傑

大曰六十一

桀有功者封侯新立未能盡圖其功師古曰新立言

新即帝位也圖謂謀而賞之身居軍九年或未習法令或

以其故犯法韋昭曰言未習知法令而犯之者有司因以故犯法之罪罪之故帝愍焉

師古曰此說非也言以未習法令之故不知避罪遂致犯刑帝原其本情故加憐之大者死刑

吾甚憐之其赦天下田肯賀上曰甚善陛

下得韓信又治秦中師古曰治謂都之也秦中謂關中秦地也秦形

勝之國也張晏曰得形勢之勝便也韋昭曰地形險固故能勝人帶河阻山

縣隔千里鄭氏曰縣音懸師古曰此本古之縣字耳後人轉用為州縣字乃更加心以別之

高節

當借音他皆類此持戟百萬秦得百二焉應劭曰言山河之險與諸

侯相縣隔絕千里也所以能禽諸侯者得天下之利百二也李斐曰河山之險由地勢高順流而下易故天下

於秦縣隔千里也持戟百萬秦得百二焉蘇林曰百二得百中之二二萬人也秦地險固二萬人足當諸侯百

萬人也師古曰縣隔千里李應得之秦得百二蘇說是也地執便利其以下兵

於諸侯辭猶居高屋之上建瓴水也如淳曰瓴盛水

瓶也居高屋之上而幡瓴水言其向下之勢易也建音蹇蘇林曰瓴讀曰鈴師古曰如蘇音說皆是建音居偃

反夫齊東有琅邪即墨之饒師古曰二縣近海財用之所出

南有泰山之固西有濁河之限晉灼曰齊西有平原河水

東北過高唐高唐即平原也  
孟津號黃河故曰濁河也  
北有勃海之利地方

二千里持戟百萬縣隔千里之外齊得十

二焉應劭曰齊得十之二耳故愍王稱東帝後復歸之卒為秦所滅者利鈍之執異也李斐曰齊有

山河之限地方二千里是與天下縣隔也設有持戟百萬之眾齊得十中之二焉百萬十分之二亦二十萬也

但文相避故言東西秦其勢敵也蘇林曰十二得十中之二二十萬人當百萬言齊雖固不如秦二萬乃當百萬也

晉灼曰案文攻義蘇說長也師古曰蘇晉之釋得其意也秦得百二者二萬人當諸侯百萬人也齊得十

二者二十萬人當諸侯百萬也所以言縣隔千里之外者除去秦地而齊乃與諸侯計利便也○宋祁曰景德

本蘇林註文云十二得十中之二萬人無二十當百萬五字景祐刊誤本據史記註當作二十萬人當百萬又

高帝

余以為若蘇說已明願安得更於下解云  
齊得十二者二十萬人當諸侯百萬也  
此東西秦

也○劉敞曰按文多西字非親子弟莫可使王齊者上

曰善賜金五百斤上還至雒陽赦韓信封

為淮陰侯甲申始剖符封功臣曹參等為

通侯師古曰剖破也與其合符而分授之也剖音普口反詔曰齊古之建

國也今為郡縣其復以為諸侯師古曰為國以封諸侯王

將軍劉賈數有大功及擇寬惠脩絮者王

齊荆地春正月丙午韓王信等奏請以故

小四六十三

前代下

漢書卷六

十一

三

東陽郡鄆郡吳郡五十三縣立劉賈為荆

王文穎曰東陽今下邳也鄆郡今丹陽也吳郡本會稽也韋昭曰鄆郡今故鄆縣也後郡徙丹陽轉以為縣

故謂之故鄆也師古曰鄆音章。劉放曰按地理志東陽鄆吳皆非秦郡後漢順帝時始分會稽為吳今此文殊不可曉

以碭郡薛郡郟郡三十六縣立弟支

信君交為楚王文穎曰薛郡今魯國是也郟郡今東海郡也師古曰郟音談。劉放

曰剡亦非秦郡壬子以雲中鴈門代郡五十三縣立

兄宜信侯喜為代王以膠東膠西臨淄濟

北博陽城陽郡七十三縣立子肥為齊王

○劉放曰膠東濟北則項氏所建國齊都臨淄可以齊為臨淄膠西則未有國博陽城陽亦非秦郡此文亦殊

不可曉以太原郡三十一縣為韓國徙韓王

信都晉陽上巳封大功臣三十餘人其餘

爭功未得行封上居南宮從復道上如淳曰復音復

上下有道故謂之復見諸將往往耦語以問張良良曰

陛下與此屬共取天下今已為天子而所

封皆故人所愛所誅皆平生仇怨今軍吏

計功以天下為不足用編封師古曰言有功者多而土地少

而恐以過失及誅故相聚謀反耳上曰為  
之奈何良曰取上素所不快師古曰言有舊嫌者也計  
羣臣所共知最甚者一人先封以示羣臣  
三月上置酒封雍齒因趣丞相急定功行  
封師古曰趣讀曰促罷酒羣臣皆喜曰雍齒且侯吾  
屬亡患矣上歸櫟陽五日一朝太公太公  
家令說太公曰天亡二日土亡二王皇帝  
雖子人主也太公雖父人臣也奈何令人

高帝

主拜人臣如此則威重不行後上朝太公

擁彗

李奇曰為恭也如今卒持帚也師古曰彗者所以掃也音似歲反

迎門卻行

師古曰卻退而行也音丘略反

上大驚下扶太公太公曰帝

人主奈何以我亂天下法於是上心善家

令言

師古曰晉太子庶子劉寶云善其發悟已心因得尊崇父號非善其令父敬已

賜黃金

五百斤夏五月丙午詔曰人之至親莫親

於父子故父有天下傳歸於子子有天下

尊歸於父此人道之極也前日天下大亂

兵革並起萬民苦殃朕親被堅執銳師古曰被堅謂

甲冑也執銳謂利兵也被音皮義反自帥士卒犯危難平暴亂立

諸侯偃兵息民天下大安此皆太公之教

訓也諸王通侯將軍羣卿大夫已尊朕為

皇帝而太公未有號今上尊太公曰太上

皇師古曰太上極尊之稱也皇君也天子之父故號曰皇不預治國故不言帝也。蔡邕云不言帝非

天子也又按本紀秦始皇追尊莊襄為太上皇已有故事矣蓋太上者無上也皇者德大於帝秋九

月匈奴圍韓王信於馬邑信降匈奴

高帝

七年冬十月上自將擊韓王信於銅鞮師古

曰縣名也鞮音丁奚反斬其將信亡走匈奴與其將曼

立臣王黃師古曰姓曼立名臣也曼立母立本一姓也語有緩急耳曼音萬。朱子文曰攷其

文理意義於信亡走匈奴句下多一與字既云信與其將共立趙利為王如何却云收信散兵信字不當下矣

又信本傳拘於紀文亦多一與字更無義理傳云信亡走云云又曰復收信散兵而與信及冒頓謀攻漢既云

信與其將立趙利為王如何又云收信散兵而與信以此觀之信既亡走匈奴兵亂未知所在其將乃共立趙

利為王收信散兵與匈奴共距漢若去一與字紀傳皆分明共立故趙後趙利

為王師古曰故趙六國時趙也收信散兵與匈奴共距漢

大曰姓、前已下、漢書卷下、六



上從晉陽連戰乘勝逐北至樓煩會大寒  
士卒墮指者什二三師古曰十人之中二三墮指遂至平城

為匈奴所圍七日用陳平秘計得出應劭曰陳平使

畫工圖美女間遣人遺闕氏云漢有美女如此今皇帝困厄欲獻之闕氏畏其奪已寵因謂單于曰漢天子亦有神靈得其土地非能有也於是匈奴開其一角得突出鄭氏曰以計鄙陋故秘不傳師古曰應氏之說出相譚新論蓋譚以意測之事使樊噲留定代地十當然耳非記傳所說也。

二月上還過趙不禮趙王是月匈奴攻代  
代王喜棄國自歸雒陽赦為合陽侯辛卯

高帝

立子如意為代王春令郎中有罪耐以上

請之

應劭曰輕罪不至於髡完其耐鬢故曰耐古耐字從彡髮膚之意也杜林以為法度之字皆從

寸後改如是言耐罪已上皆當先請也耐音若能如淳曰耐猶任也任其事也師古曰依應氏之說耐當音而

如氏之解則音乃代反其義亦兩通耐謂頰旁毛也彡毛髮貌也音所廉反又先廉反而功臣侯表宜曲侯通

耐為鬼薪則應氏之說斯為長矣。宋祁曰師古曰依應氏之說又云彡毛髮貌余以顏氏之說似不審應意

及誤引說文不了其義更有兩通之語且今說文耐無而音止有乃代一音耳案古者能字皆作耐字亦取堪

任其事之意後世以三足之能為能故今人書能無有作耐字者應云耐音若能之能能耐自然聲近矣本不

為而音也顏云耐謂頰旁毛據說文自訓而字為頰毛耳象毛之形至耐字直釋云罪不至髡則顏謬意而誤

引說文

民產子復勿事二歲

師古曰勿事不役使也

二月

至長安蕭何治未央宮立東闕北闕前殿

武庫太倉

師古曰未央殿雖南嚮而上書奏事謁見之徒皆詣北闕公車司馬亦在北焉是則

以北闕為正門而又有東門東闕至於西南兩面無上門闕矣蓋蕭何初立未央宮以厭勝之術理宜然乎

見其壯麗甚怒謂何曰天下匈匈勞苦數

歲成敗未可知

師古曰匈匈喧擾之意

是何治宮室過

度也何曰天下方未定故可因以就宮室

師古曰就成也

且夫天子以四海為家非令壯麗云

高帝

以重威且云令後世有以加也上說

師古曰說讀曰

悅

自櫟陽徙都長安置宗正官以序九族

夏四月行如維陽

師古曰如往也

八年冬上東擊韓信餘寇於東垣

孟康曰真定也師古

曰垣音轉

還過趙趙相貫高等恥上不禮其王

陰謀欲弑上上欲宿心動問縣名何曰柏

人上曰柏人者迫於人也去弗宿十一月

令士卒從軍死者為槨

服虔曰槨音衛應劭曰小棺也今謂之槨

歸

其縣縣給衣衾棺葬具

如淳曰棺音貫謂棺斂之服也臣瓚曰初以槨

致其尸於家縣官與給棺衣更斂之也金布令曰不幸死死所為槨傳歸所居縣賜以衣棺也師古曰初為槨

積至縣更給衣及棺備其葬具耳不勞改讀音為貫也金布者令篇名若今言倉庫令也祠以少

宰長吏視葬十二月行自東垣至師古曰至京師春

三月行如雒陽令吏卒從軍至平城及守

城邑者如淳曰平城左右諸城能堅守也皆復終身勿事師古曰復音方

目爵非公乘以上毋得冠劉氏冠文穎曰即竹皮冠也

賈人毋得衣錦繡綺縠絺紵劉操兵乘騎

高帝

馬師古曰賈人坐販賣者也綺文繒也即今之細綾也絺細葛也紵織紵為布及疏也劉織毛若今氍毹及毼

解之類也操持也兵凡兵器也乘駕車也騎單騎也賈音古絺音丑知反紵音佇劉音居例反操音千高反

秋八月吏有罪未發覺者赦之九月行自

雒陽至淮南王梁王趙王楚王皆從

九年冬十月淮南王梁王趙王楚王朝未

央宮置酒前殿上奉玉卮應劭曰飲酒禮器也古以角作受四升古

卮字作觥晉灼曰音支師古曰卮飲酒圓器也今尚有之為太上皇壽師古曰進酒而獻壽

也巳解曰始大人常以臣亡賴應劭曰賴者恃也晉灼曰許慎云賴於上

利也無利入於家也或曰江淮之間謂小兒多不能  
詐狡僧為亡賴師古曰晉說是也僧音工外反

治產業不如仲力服虔曰力勤力也今某之業所就

孰與仲多師古曰就成也與亦如也殿上羣臣皆稱萬歲

大笑為樂十一月徙齊楚大族昭氏屈氏

景氏懷氏田氏五姓關中與利田宅師古曰利謂便

好也屈音丸勿反十二月行如雒陽貫高等謀逆發

覺逮捕高等師古曰逮捕謂事相連及者皆捕之也一曰在道守禁相屬不絕若今之

傳送囚耳。劉敞曰予謂逮者其人存在直追取之捕者其人亡當討捕也故有或但言逮或但言捕知異物

也一云逮易辭捕加力也逮徒呼名召之捕加束縛矣并捕趙王敖下獄

敢有隨王罪三族張晏曰父母兄弟妻子也如淳曰父族母族妻族也師古曰如

說也郎中田叔孟舒等十人自髡鉗為王

家奴師古曰鉗以鐵束頸也音其炎反從王就獄王實不知

其謀春正月廢趙王敖為宣平侯徙代王

如意為趙王王趙國丙寅前有罪殊死已

下皆赦之二月行自雒陽至賢趙臣田叔

孟舒等十人召見與語漢廷臣無能出其

右者

師古曰古者以右為尊言材用無能過之者故云不出其右也他皆類此。劉攽曰予謂右者

居則貴左用兵則貴右

上說

師古曰說讀曰悅

盡拜為郡

守諸侯相夏六月乙未晦日有蝕之

十年冬十月淮南王燕王荆王梁王楚王

齊王長沙王來朝夏五月太上皇后崩

如

曰王陵傳楚取太上皇呂后為質又項羽歸太公呂后不見歸媼也又上五年追尊母媼為昭靈夫人高后時乃追尊為昭靈后耳漢儀註高帝母兵起時死小黃北後於小黃作陵廟以此二者推之不得有太上皇后崩也李奇曰高祖後母也晉灼曰五年追尊先媼曰昭靈夫人言追尊則明其已亡史記十年春夏無事七月大

上皇崩葬櫟陽宮明此長夏五月太上皇后崩八字也又漢儀註先媼已葬陳留小黃師古曰如晉二說皆得之無此太上皇后也諸家之說更有異端適為煩穢不足采也秋七月癸卯太上

皇崩葬萬年

師古曰三輔黃圖云高祖初居櫟陽故太上皇因在櫟陽十年太上皇崩

葬其北原起萬年邑置長丞也

赦櫟陽囚死罪已下

臣瓚曰萬年陵在櫟

陽縣界故特赦之

八月令諸侯王皆立太上

皇廟于國都

蔡邕曰皇子封為王者實古諸侯加號稱王故云諸侯王封為侯者謂

之諸侯九月代相國陳豨反

鄧展曰東海人名豨曰豨師古曰豨音許

豈上曰豨嘗為吾使甚有信

師古曰為代地音于偽反

吾所急故封豨為列侯以相國守代今乃與王黃等劫掠代地吏民非有罪也能去豨黃來歸者皆舍之師古曰去謂棄離之而來也上自東至邯鄲上喜曰豨不南據邯鄲而阻鄆水○宋祁曰而舊本作北刊誤據史託改為而然據漳水不在北也吾知其云能為矣趙相周昌奏常山二十五城云其二十城請誅守尉師古曰守者郡守尉者郡尉也上曰守尉反乎對曰不上曰是力不足云罪上令周昌選

高帝

趙壯士可令將者白見四人師古曰自於天子而召見也上

嫚罵曰師古曰嫚者潔汙也豎子能為將乎四人慙皆

伏地上封各千戶以為將左右諫曰從入

蜀漢伐楚賞未徧行今封此何功上曰非

汝所知陳豨反趙代地皆豨有吾以羽檄

徵天下兵未有至者師古曰檄者以木簡為書長尺二寸用徵召也其有

急事則加以鳥羽插之示速疾也魏武奏事云今邊有警輒露檄插羽檄音胡歷反今計唯獨

邯鄲中兵耳吾何愛四千戶不以慰趙子

第皆曰善又求樂毅有後乎

師古曰樂毅戰國時燕將也

得

其孫叔封之樂鄉號華成君問穉將皆故賈

人上曰吾知與之矣

師古曰與如也言能如之何也劉敞曰與猶待也。劉敞曰

知與之者知所以與之之術也穉將皆故賈人賈人嗜利乃多以金購之。宋祁曰吾知與之矣南本知字下有易

字乃多以金購穉將

師古曰購設賞募也音構

穉將多降

十一年冬上在邯鄲穉將彥敞將萬餘人

游行王黃將騎千餘軍曲逆

文穎曰今中張山蒲陰是也

張

春將卒萬餘人度河攻聊城

師古曰即今博州聊城縣

漢

高帝

將軍郭蒙與齊將擊大破之太尉周勃道

太原入定代地

師古曰道由太原也

至馬邑馬邑不下

攻殘之

師古曰殘謂多所殺戮也。宋祁曰馬邑或作高邑

穉將趙利守

東垣高祖攻之不下卒罵上怒城降卒罵

者斬之諸縣堅守不降反寇者復租三歲

春正月淮陰侯韓信謀反長安夷三族將

軍柴武斬韓王信於參合

師古曰代之縣也

上還雒

陽詔曰代地居常山之北與夷狄邊趙乃

從山南有之遠數有胡寇難以爲國頗取

山南太原之地益屬代師古曰少割以益之不盡取也頗音普我反後

此皆類代之雲中以西爲雲中郡則代受邊

寇益少矣王相國通侯吏二千石擇可立

爲代王者燕王綰相國何等三十三人皆

曰子恒賢知溫良請立以爲代王都晉陽

如淳曰文紀言都中又文帝過太原復晉陽中都二歲似遷都於中都也大赦天下二

月詔曰欲省賦甚師古曰意甚欲省賦斂也今獻未有程

高帝

師古曰程法式也

吏或多賦以爲獻而諸侯王尤多

民疾之

師古曰諸侯王賦其國中以爲獻物又多於郡故百姓疾苦之

今諸侯王

通侯常以十月朝獻及郡各以其口數率

師古曰率計也。劉放曰率當屬下句大率也

人歲六十三錢以給獻

費又曰蓋聞王者莫高於周文伯者莫高

於齊桓

師古曰伯讀曰霸

皆待賢人而成名今天下

賢者智能豈特古之人乎

師古曰特獨也

患在人主

不交故也士奚由進

師古曰奚何也

今吾以天之靈



賢士大夫定有天下以為一家欲其長久  
世世奉宗廟云絕也賢人已與我共平之  
矣而不與吾共安利之可乎賢士大夫有  
肯從我游者吾能尊顯之布告天下使明

知朕意御史大夫昌下相國臣贊曰周昌已為趙相御史大夫是

趙堯相國鄼侯下諸侯王臣贊曰茂陵書何封國在南陽鄼音贊師

古曰瓚說是也而或云何封沛郡鄼縣音才何反非也案地理志南陽鄼縣云侯國沛鄼縣不云侯國也又南陽鄼者本是春秋時陰國所謂遷陰于下陰者也今為襄州陰城縣縣有鄼城城西見有蕭何廟彼土又有筑

高帝

水筑水之陽古曰筑陽縣與鄼側近連接據何本傳何薨之後子祿無嗣高后封何夫人同為鄼侯小子延為筑陽侯孝文罷同更封延為鄼侯是知何封鄼國兼得筑陽此明驗也但鄼字別有鄼音是以沛之鄼縣史記漢書皆作鄼字明其音同也班固泗水亭碑以蕭何相國所封與何同韻於義無爽然其封邑實在南陽非沛縣也且地理志云王莽改沛鄼曰贊治然則沛鄼亦有贊音鄼鄼相亂無所取信也說者又引江統徂淮賦以為證此乃統之疏謬不可考覈亦猶潘岳西征以陝之曲沃為成師所居耳斯例甚多不可具載

史中執法下郡守晉灼曰中執法中丞也其有意稱明

德者必身勸為之駕文穎曰有賢者郡守身自往勸勉令至京師駕車遣

遣詣相國府署行義年蘇林曰行狀年紀也劉放曰義讀曰儀

儀謂儀容其年有而弗言覺免年老瘝病勿

遣師古曰瘝疾病也音隆三月梁王彭越謀反夷三族

謂盡誅除之詔曰擇可以為梁王淮陽王者

燕王館相國何等請立子恢為梁王子友

為淮陽王罷東郡頗益梁罷潁川郡頗益

淮陽夏四月行自雒陽至今豐人徙關中

者皆復終身應劭曰太上皇思十一欲歸豐且高祖乃更築城寺市里如曲且縣號曰新豐徙

五月詔曰粵豐民以充實之師古曰徙豐人所居即今之新豐古城是其處復音方目反

高帝

人之俗好相攻擊前時秦徙中縣之民南

方三郡如淳曰中縣之民中國縣民也秦始皇略取疆梁地以為桂林象郡南海郡故曰三郡

使與百粵雜處李奇曰欲以介其間使不相攻擊也會天下誅秦

南海尉它居南方長治之晉灼曰長音長吏之長師古曰它古佗字

理中縣人以故不耗減師古曰耗損也音火到反粵人相

攻擊之俗益止俱賴其力今立它為南粵

王使陸賈即授璽綬師古曰即就也就其所居而立之它稽首

大日八三

何五二

書卷六

二六

稱臣六月令士卒從入蜀漢關中者皆復

終身師古曰復音方目反秋七月淮南王布反上問諸

將滕公言故楚令尹薛公有籌策上召

見薛公言布形勢上善之封薛公千戶詔

王相國擇可立為淮南王者羣臣請立子

長為王上乃發上郡北地隴西車騎巴蜀

材官及中尉卒三萬人應劭曰材官有材力者張晏曰材官騎士習射

御騎馳戰陳常以八月太守都尉令長丞會都試課殿最水處則習船邊郡將萬騎行障塞光武時省章昭曰

音

中尉即執金吾也

為皇太子衛軍霸上布果如薛公

言東擊殺荆王劉賈劫其兵度淮擊楚楚

王交走入薛上赦天下死罪以下皆令從

軍徵諸侯兵上自將以擊布

十二年冬十月上破布軍于會孟康曰音會保邑名击

屬沛國蘄縣蘇林曰击音蠶晉灼曰蘄縣鄉名也師古曰會音工外反击音文瑞反蘇音是也此字本作蠶而

轉寫者誤為击字耳音保非也蠶布傳則正作蠶字此足明其不作击也布走令別將

追之上還過沛留置酒沛宮悉召故人父

老子第佐酒應劭曰助行酒發沛中兒得百二十人

教之歌師古曰酣洽也音胡甘反上擊筑師古曰筑音

似琴而大頭安弦以竹擊之故名曰筑師古曰今筑形似瑟而細頸也自歌曰大風

起兮雲飛揚威加海內兮歸故鄉安得猛

士兮守四方令兒皆和習之師古曰和音胡卧反上乃

起舞忼慨傷懷師古曰忼音口朗反慨音口代反泣數行下師古曰游子

曰泣目下淚也謂沛父兄曰游子悲故鄉師古曰游子行客也悲謂

顧念也吾雖都關中萬歲之後吾魂魄猶思

高帝

家沛○宋祁曰家或作樂且朕自沛公以誅暴逆遂有

天下其以沛為朕湯沐邑師古曰凡言湯沐邑者謂以其賦稅供湯

沐之具也復其民世世無有所與師古曰復音芳目反與讀曰豫

沛父老諸母故人日樂飲極歡道舊故為

笑樂師古曰言日日樂飲也樂並音來各反十餘日上欲去沛父

兄固請上曰吾人眾多父兄不能給乃去

沛中空縣皆之邑西獻如淳曰獻牛酒也師古曰之往也皆往邑西競

有所獻故縣上空無人上留止張飲三日張晏曰張帷帳也師古曰張音竹亮

反沛父兄皆頓首曰沛幸得復豐未得唯

陛下哀矜上曰豐者吾所生長極不忘耳

師古曰極至也至念之不忘也吾特以其為雍齒故反我為魏

沛父兄固請之廼并復豐比沛漢別將擊

布軍洮水南北蘇林曰洮音北皆大破之追斬布番

陽師古曰番音蒲何反周勃定代斬陳豨於當城章昭曰代郡縣

也詔曰吳古之建國也日者荆王兼有其

地師古曰日者猶往日也今死亡後朕欲復立吳王其

高帝

議可者長沙王臣等言

師古曰臣者長沙王之名吳芮之子也今書本

或臣下有芮字者流俗妄加也

沛侯濞重厚

服虔曰濞音滂濞師古曰音普懿反

請

立為吳王已拜上召謂濞曰汝狀有反相

因拊其背曰漢後五十年東南有亂豈汝

邪應劭曰高祖有聰略反相徑可知至於東南有亂克期五十占者所知也若秦始皇東巡以厭氣後劉項

起東南疑當如此耳如淳曰度其貯積足用為難又吳楚世不賓服師古曰應說是也拊謂摩循之然

天下同姓一家汝慎毋反濞頓首曰不敢

十一月行自淮南還過魯以太牢祠孔子

十二月詔曰秦皇帝楚隱王師古曰陳勝也魏安釐

王師古曰昭王之子也釐讀曰僖漢書僖益及福僖字例多為釐齊愍王師古曰宣王之

所殺趙悼襄王師古曰孝成王之子皆絕云後其與秦

始皇帝守冢二十家楚魏齊各十家趙及

魏公子云忌各五家師古曰云忌即信陵君也令視其冢

復云與它事師古曰復音芳目反與讀曰豫陳豨降將言豨

反時燕王盧綰使人之豨所陰謀師古曰上之往也

使辟陽侯審食其迎綰師古曰辟音必亦反食其音異基綰稱

高

疾食其言綰反有端春二月使樊噲周勃

將兵擊綰詔曰燕王綰與吾有故愛之如

子聞與陳豨有謀吾以為云有故使人迎

綰綰稱疾不來謀反明矣燕吏民非有罪

也賜其吏六百石以上爵各一級與綰居

去來歸者赦之師古曰先與綰居今能去之來歸漢者赦其罪加爵亦

一級詔諸侯王議可立為燕王者長沙王

臣等請立子建為燕王詔曰南武侯織亦

六

二

二

三

三

粵之世也立以為南海王

文穎曰高祖五年以象郡桂林南海長沙

立吳芮為長沙王象郡桂林南海屬尉佗佗未降遙虛奪以封芮耳後佗降漢十一年更立佗為南越王自此王三郡芮唯得長沙桂林零陵耳今復封織為南海王復遙奪佗一郡織未得王之。劉焯曰零陵武帝始立郡文說誤矣且始敘高帝封吳芮無零陵之文疑亦傳寫妄加之

三月詔曰吾立

為天子帝有天下十二年于今矣與天下

之豪士賢大夫共定天下同安輯之

師古曰輯與集

同其有功者上致之王次為列侯下乃食

邑師古曰謂非列侯而特賜食邑者而重臣之親或為列侯皆

高帝

令自致吏得賦斂女子公主

如淳曰公羊傳曰天子嫁女於諸侯

必使諸侯同姓者主之故謂之公主百官表列侯所食曰國皇后公主所食曰邑帝姊妹曰長公主諸王女曰翁主師古曰如說得之天子不親主婚故謂之公主諸王即自主婚故其女曰翁主翁者父也言父主其婚也亦曰王主言王自主其婚也高祖荅項羽曰吾翁即若翁也楊雄方言云周晉秦隴謂父曰翁而臣贊王楙或云公者比於上爵或云主者婦人尊稱皆失之。劉敞曰予謂公主之稱本出秦舊男為公子女為公主古者大夫妻稱主故以公配之若謂同姓主之故謂之公主則周之事秦不知用也古之嫁女當如周使大夫主之何不謂之夫主乎然則謂之王主者猶言王子也謂之翁主者緣公而生耳

為列侯食邑

者皆佩之印賜大第室

孟康曰有甲乙次第故曰第也吏二

千石徙之長安受小第室入蜀漢定三秦者皆世世復師古曰復音方目反吾於天下賢士功臣可謂亡負矣其有不義背天子擅起兵者與天下共伐誅之師古曰擅專也音上戰反他皆類此布告天下使明知朕意上擊布時為流矢所中行道疾疾甚呂后迎良醫醫入見上問醫曰疾可治不醫曰可治宋祁曰舊本及越本並無不醫曰可治五字於是上嫚罵之曰朱子文曰於文醫曰可治句下正不須於是二字宜去之吾以

高帝

布衣提三尺取天下

師古曰三尺劍也下韓安國傳所云三尺亦同而流俗書

本或云提三尺劍劍字後人所加耳

此非天命乎命乃在天雖扁

鵠何益

韋昭曰泰山盧人也名越人魏相侯時醫也臣瓚曰史記云齊勃海人也魏無相侯師古

曰瓚說也是也扁音步典反

遂不使治疾賜黃金五十斤罷

之呂后問曰陛下百歲後蕭相國既死誰

令代之上曰曹參可問其次曰王陵可然

少戇

師古曰戇愚也古音下紺反今則竹巷反

陳平可以助之陳平

知有餘然難獨任周勃重厚少文然安劉



氏者必勃也可令為太尉吕后復問其次

上曰此後亦非乃所知也師古曰乃汝也言自此之後汝亦終矣不

復知盧綰與數千人居塞下候伺幸上疾

愈自入謝師古曰冀得上疾愈自入謝以為己身之幸也夏四月甲辰

帝崩于長樂宮臣贊曰帝年四十二即位即位十二年壽五十三盧綰

聞之遂亡入匈奴吕后與審食其謀曰諸

將故與帝為編戶民師古曰編戶者言列次名籍也編音鞭北面

為臣心常鞅鞅師古曰鞅鞅不滿足也音於亮反他皆類此今乃事

高帝

少主非盡族是天下不安師古曰族謂族誅之是亦此也以故

不發喪人或聞以語酈商酈商見審食其

曰聞帝已崩四日不發喪欲誅諸將誠如

此天下危矣陳平灌嬰將十萬守滎陽宋

祁曰滎舊本作滎樊噲周勃將二十萬定燕代此聞

帝崩諸將皆誅必連兵還鄉以攻關中師古

曰鄉讀曰嚮還嚮猶言反嚮內嚮也大臣內畔諸將外反云可蹻

足待也文頴曰蹻猶翹也如淳曰蹻音如今作樂蹻行之蹻音灼曰許慎云蹻舉足小高也音矯

師古曰晉說是也

審食其入言之乃以丁未發喪大

赦天下五月丙寅葬長陵

臣瓚曰自崩至葬凡二十三日長陵在長

安北四

已下

蘇林曰下音下書之下鄭氏曰已下棺也師古曰蘇音鄭說是也下音胡亞反

皇

太子羣臣皆反至太上皇廟羣臣曰帝起

細微撥亂世反之正

師古曰反還也還之於正道

平定天下

為漢太祖功最高上尊號曰高皇帝

師古曰尊號謚

也初高祖不脩文學而性明達好謀能聽

自監門戍卒見之如舊初順民心作三章

高帝

之約天下既定命蕭何次律令韓信申軍

法張蒼定章程

如淳曰章程數之章術也程者權衡丈尺并斛之平法也師古曰程

法式也

叔孫通制禮儀陸賈造新語又與功

臣剖符作誓

如淳曰謂功臣表誓使河如帶大山若厲國乃滅絕

丹書鐵

契金匱石室

如淳曰金匱猶金滕也師古曰以金為匱以石為室重緘封之保慎之義

藏之宗廟雖日不暇給規摹弘遠矣

師古曰若畫工

規摹物之摹韋昭曰正負之器曰規摹者如畫工未施采工摹之矣師古曰取喻規摹謂立制垂範也給是也

日不暇足言眾事繁多常汲汲也

贊曰春秋晉史蔡墨有言陶唐氏既衰

曰唐者帝堯有天下號陶發聲也韋昭曰陶唐皆國名猶湯稱殷商矣臣瓚曰堯初居於唐後居陶故曰陶唐也師古曰三家之說皆非也許慎說文解字云陶立再成也在濟陰夏書曰東至陶丘陶立有堯城堯嘗居之後居於唐故堯號

其後有劉累學擾龍事孔甲

陶唐氏斯得之矣

應劭曰擾馴也能順養得其嗜欲也孔

甲夏天子也師古曰擾音繞又音饒

而大夫范宣子亦

曰祖自虞以上為陶唐氏

高帝

夏為御龍氏

師古曰即劉累也

在商為豕韋氏

師古曰豕韋國

名在東郡白 在周為唐杜氏

師古曰唐杜二國名也殷末豕韋徙國於

也 晉主夏盟為范氏范氏為晉士師

師古曰言晉為

霸主諸夏之盟而 魯文公廿奔秦

師古曰文公六年晉襄公卒士

會與先蔑如秦逆公子雍欲以為嗣七年以秦師納雍而趙宣子立靈公與秦師戰敗之于剗首先蔑奔秦士

會從 後歸于晉其處者為劉氏

師古曰文十三年晉人使魏壽餘偽以魏畔誘士會而納之秦人歸其幣其姓也 劉

向云戰國時劉氏自秦獲於魏

文穎曰六國時秦伐魏劉

氏隨軍為魏所獲故得復居魏也師古曰春秋之秦後周室卑微諸侯彊盛交相攻伐故惣謂之戰國

**滅魏遷大梁**

師古曰秦昭王伐魏魏惠王棄安邑東徙大梁更號曰梁非始皇滅六國之時。劉敞曰當讀云遷大梁都于豐則與下文合顏解誤矣

**都于豐故周市說**

**雍齒曰豐故梁徙也是以頌高祖云漢帝**

**本系出自唐帝降及于周在秦作劉涉魏**

**而東遂為豐公**

晉灼曰涉猶入也

**豐公蓋太上皇父**

**其遷日淺墳墓在豐鮮焉**

師古曰鮮少也音先淺反

**及高**

**祖即位置祠祀官則有秦晉梁荆之巫**

應劭

高帝

曰先人所在之國悉致祠巫祝博求神靈之意也文穎曰巫掌神之位次者也范氏世仕於晉故祠祀有晉巫

范會支庶留秦為劉氏故有秦巫劉氏隨魏都大梁故有梁巫後徙豐豐屬荆故有荆巫也

**世祠**

**天地綴之以祀豈不信哉**

師古曰綴言不絕也

**由是推**

**之漢承堯運德祚已盛斷蛇著符旗幟上**

**赤協于火德自然之應得天統矣**

孟康曰十一月天統

物萌色赤故云得天統也臣瓚曰漢承堯緒為火德秦承周後以火代木得天之統序故曰得天統漢初因秦

正至太初元年始用夏正不用十一月為正也師古曰瓚說得之

右將監本杭本越本及三劉宋祁諸  
本參校其有同異並附於古註之下

# 高帝紀第一下

正文伍阡玖伯伍拾貳字

註文柒阡玖伯伍拾陸字

